

中
州
金
石
記

中州金石記卷一

遺表銘石部常璩製序部御書紀對等生美製諸部書部巡撫漢

漢

嵩山太室神道石闕銘

元初五年四月立隸書在登封中嶽廟南

東闕無文字西闕額陽文云中嶽泰室陽城□□□九字三

行後畫一人三獸形下層有字三十餘行似篆似隸可辨者

惟延光四年字孔子大聖字太守字顏乎字及末數行多用

兮字當是銘文餘皆剝蝕後多畫人獸形下復畫一魚形此

文顧炎武褚峻皆未載闕南面文云曰惟中□□崇顧作高

神君家或家字□□□休□取純春生圖圖□寸起雲潤施原

王辰深□□□宣竝天四海莫不蒙慰聖朝肅敬衆庶所尊

○誠奉祀國圖盡勤以○功德刻石紀文垂顯○異國

似備字頭

以傳後賢元初五年四月陽城○長左馮翊萬年呂營

顧王作常

誤始造作此石闕時○○○穎川太守京兆杜陵朱○丞

○○○四國○○監○府○○○丞河東臨○○

○○○○○○○○○○○○○○○○○○○○○○○○○○○○○○

○佐石副○崇高亭長蘇重時監之陽○千陵亭部陽陵格

王○功副○鄉王文○潘○○○○之共○○○○○○○○○○

陽○○○君○○○○○○○○○○○○○○○○○○○○○○

者○○○○○○○○○○○○○○○○○○○○○○○○○○○○○○

尤摩滅不可辨今據打本及王樹竹雲題跋約略釋之其字

以墨圍別之者顧王所見今本所無也隸釋缺載此闕顧炎

武譏之是也其不載開母闕則以其象也洪适本不取篆書

嵩高字作崇見漢時尚無嵩字地理志有嵩高縣云古文以
審高爲外方山也國語夏之興也融降于崇山章昭注崇崇
高山也據此知經典有作嵩或作嶽皆後人所改矣竝天四
海卽以並爲普並普聲相近于五音同爲羽也故說文管以
竝爲聲徐鉉刪聲字徐鍇繫傳本有云傳寫誤多之非也地
里志審高有太室少室山廟賴有此闕以考其遺趾云

少室神道石闕銘

篆書在登封縣西四十里邢家鋪

西闕額文云少室神道之闕六字三行下二層上層畫走馬
人下層畫兩螭龍見褚峻金石圖南面西側銘及題名文云
口叢林芝縣日月而口口口口三月三日邵陽城縣興治神
道君丞零陵泉陵薛政五官掾陰林戶曹史屢效監廟掾辛

述長西河圖陽馬寶丞漢陽翼秘俊廷孫趙縣戶曹史張詩
將作掾嚴圖副佐向猛趙始後畫月中兔杵白曆諸今仔下
層畫蹴鞠人凡四人見褚峻金石圖今摩滅東閣題名云曰
孟李陽根仲潘除鄭孟根盛潘陽口文令常口口口重令容
上二層有畫一層畫犬逐兔一層畫一人牽狗角獸鉤服一
象今存地里志密高有少室山廟唐楊炯少室山少姨廟碑
云少姨廟者則漢書地里志嵩高少室之廟也其神爲婦人
像則故老相傳云敬母塗山之妹也卽此圖陽不作圖見漢
時無圖字說文所以不載闕字从疑此作歎从辛寶字从缶
今从余漢人不拘六書如此故秦隸行而篆學微許叔重之
功甚大

宛令李孟初神祠碑

永興二年六月立隸書在南陽

題云故宛令益州刺史南郡襄陽李缺字孟初神祠之碑文

云缺府除缺郎中遷缺史卒官缺宛民追思缺更訊治立碑

復祠下缺垣宇樹木皆不缺中大人共案文缺永興二年六

月已缺十缺宛缺部勸農賊捕掾李龍南郡缺屋有守祠義

民今聽復缺追缺時令琅耶開陽貴君諱缺河南雒陽虞衍

字元缺仲興缺漢缺功缺伯缺時皆美劉缺艾缺戶缺伯缺

元缺時賊缺掾李龍升高缺京缺曹掾缺任功賞缺史缺時

亭長張河寧海亭缺唐諱伯祖缺此碑題首二行行約十五

字文十三行行二十八字第一行故宛令益州刺史云云字

大三寸其文字僅半之中有穿借半摩滅不可復辨碑新出

土故前此金石家多未及載今錄其可辨者如右蓋因李孟

初官宛有德政義民因為立祠也書法疏秀似韓仁銘當為
唐蔡有鄰所本永興二年年字末一筆甚長過兩字于漢碑
少見

開母廟石闕銘

延光二年立篆書在登封敬母廟南

闕中層文云□□□□□□□□□□
時太守□□朱寵丞零陵泉陵薛政五官掾陰林戶曹史夏
效監掾陳脩長西河園陽馮寶丞漢陽冀祕俊廷掾趙蘇戶
曹史張詩將作掾嚴蠹佐顧作伍誤左福上中層合文云□□□
□杞陽百川柏鮪稱遂□□□原洪泉浩浩下民震驚□□□
□功疏河寫元九山甄旅□□□文爰納漢山辛癸之間□
□□人實勤斯民同心濟□□□目正杞繪□替又遭亂秦

□□國亨於茲馮神獨彼飛雉□□因庭原祥符瑞靈文樞

生□□當化陰陽蘇清興雲降雨□□□□守□不愆北性

乾坤福祿來彼相宥我君千秋萬祀子子孫孫表碣銘功昭

眡後昆□□□□延光二年重日□□□□辟惠洋溢而

溥優□□□□政刪文耀以消搖□□□□雖皇極正

而降休□□□□親芬茲楙于圃疇□□□□開木連

理於莘篠□□□□盛昨日新而累嘉慶燾嘉慶□□□□

化咸來王而會朝□□□其清靜九域少調補作其修治□□

□□祈福祀聖母虜山隅□□□□□□□□□□□□神

□圍圖飴格釐我后以萬祺于胥樂而罔極永歷載而保之

已上五句顧王俱錯誤蓋僅據打本耳今諦視原文訂定之

其文較顧炎武金石文字記葉封嵩陽石刻記俱多後畫月

中兔杵白詹諸形漢時篆書紕繆自秦隸既行六書之學日微此文鯨作鮫眠从氏條从彳俱別體廣韻作鯨玉篇又有作𧈧皆後世譌字云木連理于竿篠竿亦竿俗字顧炎武爲竿非也其文之合于古者惟德作惠用本字云則文燿以消搖不从辵按詩河上乎逍遙釋文云本又作消搖據此文則漢時尚不從辵後人改亂經文也云九域少其修治說文少少也讀若輟不知其用意所在廣韻屑清也少蓋屑之假音音固不必有義惟漢魏人知之

漢書武帝紀云元封元年春正月行幸緱氏詔曰朕用事燕山至于中嶽見夏后啟母石應劭注啟生而母化爲石文槓注在嵩高山下元和郡縣志云登封縣東北七里今龔中繫石像其石漢安帝延光三年立今崇福觀在縣北十里觀東

二十步世傳爲啟母廟舊阻其石存也又按安帝紀云延光三年潁川上言木連理今文云木連理於竿條卽其事也但紀言木連理乃在三年元和志亦言立石在三年今石刻作二年甚明未知其故又唐崔融啟母廟碑記云顧野王輿地志盧元明嵩記以爲陽翟婦人卽太平御覽引嵩高山記昔有婦女妊身三十月生子五歲便入嵩高學道神明爲母立祠號開母祠者也據此則非啟母然石銘稱述柏鯨及禹治水之事其說又古不得爲非豈後世之事有適相合者邪

堂谿典請雨崇高石闕銘

熹平四年立隸書在開母石闕下方

前有四行行五字漫滅不甚明以金石錄合之卽堂谿典請雨崇高山銘也文云口時口五官中郎將陽陵堂谿典伯并

熹平四年來請雨崇高廟典大君諱協字季度自爲郡主簿

作口銘文後舉孝廉西鄂長早

褚作卑誤

終敘曰於惟我君明允

廣淵學兼游夏德配臧文歿而不朽實有立言其言惟圖云

云下缺洪适隸釋顧炎武金石文字記俱未載此文惟見金

石錄及褚峻金石圖按後漢書延篤傳云少從潁川唐溪典

受左氏傳章懷太子注引先賢行狀曰典字季度爲西鄂長

今闕云字季度又云舉孝廉西鄂長卽其人也靈帝本紀云

熹平五年四月復崇高山名爲嵩高山章懷太子賢注引東

觀漢記曰使中郎將堂谿典請雨因上言改之名爲嵩高山

卽此事矣蔡邕傳云熹平四年邕乃與五官中郎將堂谿典

等奏求正定六經文字靈帝許之章懷太子賢注引先賢行

狀曰典字子度潁川人爲西鄂長又知爲潁川人其堂作唐

字之異季度作于度者字之壞也當從碑作季

聞熹長韓仁銘

熹平四年十一月立隸書篆額在滎陽縣署

碑文滿右方大半中有穿左方有正大五年趙秉文題又有
李口題又一行云正大六年八月口日奉政大夫滎陽縣令
李天翼再立石又有石匠王福名此因碑仆重樹非重刻也
按釋名云銘名也記名其功也銘固不必有韻褚峻言其文
辭不叶於聲詩失之矣褚又摹勛字誤作勛大謬流季桓命
卽不奔短命漢隸字源載逢盛碑命有悠桓亦如此流卽篆
卽字之變季實季字音達今以爲喬漢人別字趙秉文金史
有傳

豫州從事尹宙碑

熹平六年四月立隸書篆額在鄆陵

碑云尹吉甫元孫言多世事景王載在史典按春秋左傳襄三十年五月癸巳尹言多劉毅單蔑甘過鞏成殺佞夫卽其人也又云故子心騰於揚縣致位執金吾子心名賞見漢書酷吏傳碑寫襄爲襄僂爲僂寢爲寢皆別字潁川郡以水名俱寫作潁漢唐碑亦多似此豈古人假借俱通邪顧炎武斥其位不福德福爲副字之誤實亦假音而非誤字

熹平石經尚書論語殘字

光和六年立蔡邕隸書拓本

漢石經尚書論語一百二十餘字黃通守易得之京邸或以爲孫侍郎承澤藏本卽何氏焯云越州石邗哲重摹者或按隸釋所載爲政篇由誨汝知之句多一女字謂是熹平原刻

予不得而定之特愛其文之有關經學也今本尚書盤庚之
刻作般庚不石刻作不論語人焉廋哉人焉廋哉石刻無下
哉字猶文字之小異耳至盤庚篇不其或稍自怒曷憂石刻
稍作迪怒作怒迪連也言不進而遷居勝僞孔義多矣爲政
篇孝乎惟孝友于兄弟石刻作孝于攷釋文本亦作孝于惟
云一本作孝乎而已是唐時板本尚與漢合包咸注云孝乎
惟孝美大孝之辭潘岳閒居賦引孝乎惟孝友于兄弟亦皆
讀乎同于字雖改而意不易未嘗以孝乎斷句也堯曰篇簡
在帝心石刻從艸作簡者自是隸書之體古無簡字惟詩云
方秉簡兮傳云簡簡也釋文云若作竹下是簡策之字耳不
知簡字亦以東爲聲東與簡通古人假借何不可以簡爲之
乎予方著詩話當引此以証詩字今世石經之存惟熹平此

本及開成嘉祐宋高宗御書意蜀石經亦有存者而未之見
往官關中訪開成石經于西安府儒學後舍失去十餘石余
遍加搜剔于積垣敗土中得之復爲排比甲乙覆以廊廡遂
復舊觀以墨本恭呈

乙覽

勅入天祿琳琅今移撫中州見嘉祐真篆二體殘字又得假
此本以入中州金石錄所至之處皆與先聖遺經相值幸得
題名碑末心竊樂之黃君所藏金石最富每獲宋搨本必索
于跋尾并以屬幕中好古之士翰墨之緣亦一時之盛也

永康鏡銘

永康元年正月篆書乾隆五十一年正月得在開封市上
鏡畫佛像甚工致字在方格中凡四字文云永康元年正月

丙午黃白作竟幽凍三商明如日月異者當昌曰高作官立
至公侯天王日月上有東父式西王母宜吉孫子以立爲位
金石常語孫作市蓋予字之意鏡徑七寸藏于家按鄧康成
注儀禮云日入三商爲昏孔穎達疏商謂商量是漏刻之名
永康漢桓帝年號晉惠帝亦有之攷晉惠永康元年正月壬
戌朔則此月無丙午也漢桓永康元年正月乙酉朔則其月
廿二日是丙午也

魏

公卿將軍上尊號奏

延康元年立隸書篆額在許州繁城鎮

碑載勸進之祠裴松之注三國志有其文按碑云可謂信矣
著矣口矣裕矣高矣郡矣志作可謂信矣省矣碑云民命之

懸於魏邦民心之繫於魏政志作民命之懸於魏政俱是傳
寫脫文餘文亦稍有異當以石刻爲正集古錄云唐賢多以
爲梁鵠書今人或謂非梁鵠也乃鍾繇書耳未知孰是也

受禪表

黃初元年立隸書篆額在許州

碑文不載于史水經注云繁昌城內有三臺時人謂之繁昌
臺前有三碑魏文帝受禪於此故其石銘曰遂於繁昌築靈
壇也於後其碑六字生金論者以爲司馬金行故曹氏六世
遷魏而事晉卽此碑及尊號碑靈怪之事儒者不言姑存此
說以明碑之奇異或俗人聞而保護之也劉禹錫嘉話云王
朗文梁鵠書鍾繇鑄字謂之三絕集古錄云世傳爲梁鵠書
而顏真卿以爲鍾繇書意當時奉詔刻石必用名人書法

不出此二臣耳漢隸字源云碑在潁昌府臨潁縣魏文帝廟內今爲漢獻帝廟者後人毀斥文帝像復爲之也

帳構銅銘字

景初元年五月造隸書

銘凡三十二字云景初元年五月十日中尚方造長一丈廣六尺澤漆平坐帳上廣構銅重二斤十兩近八鷹鸚曾賦七言古詩按其器出于西京雜記云哀王冢得石牀方七尺石屏風銅帳鑄一具似是帳糜朽而銅鑄墮落銅帳構之名始見於此攷古以木爲帳謂之曰握俗作若今公府暖閣前施帷帳此云帳上廣構銅構之言蓋廣之言橫乃橫木裏銅所以蓋帳者西京雜記作鑄字之俗也

王基墓碑

景元二年四月立隸書在洛陽

文云子有成父者出仕于齊獲狄榮如孫湫違難爲萊大夫

遂缺稟天素皓爾之質兼苞五才九德之茂慈和孝友既著

於缺景山林元本道化致思六經剖判羣言綜柝無形文辯

瞻缺柔民忠正足目格非兼文武之上略懷濟世之宏規初

舉孝廉司徒辟州輒請留目自毗輔後辟大將軍府拜缺

國典惟新出爲安平安豐太守敦崇惠訓典刑惟明四缺躬

巨允帝命遷荊州刺史揚武將軍又遣使持節鎮南缺穴朱

旗所麾前無交兵克敵獲僂斬首萬計賜爵關內缺齊諸夏

震蕩王師雲集公翼亮缺無遺策舉無廢功故能野戰則飛

虎摧翼圍城則鯨鯢缺於九有也比進爵常樂亭安樂卿東

武侯增邑五千戶缺之葬征有獨克之威而忠勤之性乃心

帝室屢奏封章缺 留年七十二景元二年四月辛丑薨公

天姿高素與缺 亡則令儉斂巨時服於是將年奉冊追位司

空贈巨東武侯密印綬送以輕車介缺 秦山之速蹟恨元勳

之未遂俯仰哀歎永懷慘悴巨為缺 甯鑄石表墓光示來裔

其辭曰缺 塞憲章墳素昭此物則居則利貞在公畢力化流

二邦缺 寧民是用息升降順道德讓靡忒曾不怒遺我缺 按

碑近世出土故載其全文以續隸釋所不及王基陳壽魏志

有傳以碑証之多合惟碑云遷荊州刺史揚武將軍史誤作

楊烈碑云又遷使持節鎮南下缺當是將軍云云在克敵獲雋賜爵關

內侯及母邱儉文欽作亂之前史則云欽等已平遷鎮南將

軍亦在擊吳賜爵之後未知何也其小異者碑云克敵獲雋

斬首萬計史云隨征南王昶擊吳虜安北將軍譚正納降數

千口或碑有淨詞碑云增邑五千戶史云增邑千戶并前五千七百戶碑蓋合前舉大數言之耳史云基母卒詔祕其凶問迎基父喪合葬洛陽今碑出于昷者知基耐父母家而方志缺載也基之死旣贈官封子孫又賜其家奴婢而此碑云策鑄石表墓則亦奉勅所立而史缺載也世傳碑之出土僅刻其半上截朱字宛然應手而滅本非殘缺未知審否三國時刻石惟有允真太守天璽紀功國山碑及受禪上尊號封孔羨碑數種久爲世所傳摹邇年創見諸碑尤多奇偉若予在關中訪得褒城李苞石門題字孫孝廉星衍游句容訪得吳衡陽太守葛祚碑及此皆金石家所未著錄足與史傳發明殊可寶也碑字波畫分明唐以前石墨無能與之匹者葛祚碑遂爲惜書碑刻之祖亦稱二絕云

晉

鏡銘

太康元年造篆書儀封河上所出

鏡字摩滅惟年號及宜子等數字可辨今藏黃通守易家

太公呂望表

太康十年三月立隸書隸額在汲縣

董道廣川書跋載此碑今碑僅存半截隸額云齊太公呂望表文有齊太公呂望者此縣人云云卽穆子容碑前所錄也董道所載文多錯誤賴碑存以証之水經注云汲縣故汲郡治城北三十里有太公泉泉上又有太公廟廟側高林秀木翹楚競茂相傳云太公之故居也晉太康中范陽盧無忌爲汲令立碑于其上今此碑云來爲汲今蓋卽無忌碑也後缺

年月以穆子容碑載有晉太康十年三月丙寅朔十九日甲申盧無忌依舊修造云云知之

劉府君墓志

隸書在偃師武進士億家

題云晉故使持節都督青徐諸軍事征東將軍軍司關中侯劉府君之墓君諱韜字泰伯叔考處士君之元子也夫人沛國蔡氏凡四十七字關中侯出魏書云侯爵十八級關中侯爵十七級關內外侯十六級者是也

魏

始平公造像記

太和二年九月刻正書陽文在洛陽

額云始平公造像一區區字不从土知元寧作嘔者俗字也

碑寫啟爲啓渴爲渴冢爲 棘爲棘皆別字字之變體莫甚
于六朝故備論之也

孫秋生等造象記

太和七年刻孟廣達文蕭顯慶正書在洛陽伊闕

上截孫秋生等一百人記下截列唯邢程道起等名末又有
景明三年五月造字樣其文寫顯爲顯者省字猶濕作潔也
寫葩爲葩知今俗所傳花字乃此字之行草以爲華字異文
去之甚遠文選琴賦李善注引郭璞曰葩爲古花字後漢書
張衡傳思元賦太子賢注引張揖字詁曰葩古花字也是古
人已言之亦足爲証條作擽標作擽鼓从皮見加現皆其至
謬者

楊大眼爲孝文造象記

正書有額在洛陽

大眼武都氏難當之孫魏書有傳碑云輔國將軍直閣將軍
口口口梁州大中正安戎縣開國子官與史合史惟不及
梁州大中正及安戎爲安成傳寫之誤耳碑云彭王衢於三
紛掃雲鰲於天路寫清爲彭鯨爲鰲皆別字又云南穢旣登
震儼歸關儼卽旅字其寫含爲哈稟爲稟覽爲覽驅爲驅功
爲功皆別字未有武字似下有年號未了

華州刺史安定王燮造石窟像記

永平四年十月刻正書在洛陽

記云假節督華州諸軍事征虜將軍華州刺史安定王昶爲
亾祖親大妃亾先太傅靜王亾妃蔣妃敬造石窟一軀魏書
安定王休傳云蠕蠕犯塞出爲使持節征北大將軍撫冥鎮

大將休身先將士擊虜退之入爲內都官遷大傅及開建五等食邑二千戶薨謚曰靖王卽此所謂太傅靜王也靖靜同字傳又云次子燮除下大夫世宗初襲拜大中大夫除征虜將軍華州刺史卽造像人官爵悉合史無假節督華州諸軍事乃其疏記文皇魏字從委鬼聲與古文台俗皆省山又云依巖製字以製爲抱亦用古字惟字作字謬甚

熒陽太守元寧造象記

孝昌二年正月刻正書在熒陽

文云大魏孝昌二年歲次丙午正月辛丑朔四日甲子熒陽太守元寧仰爲二聖敬造石像一壠額主上万祚臣僚盡忠後宮皆閭頌天下太平四方慕儀又額曰考生天安養國土上下延壽兄弟眷屬含靈有識蠢動衆生普同斯福鬼龍山

岳靡不慈仁所願如是其借熒爲榮借儀爲義猶有古意至
寫區爲堰潤爲潤延爲延燾爲燾皆別字

懷令李超墓志

武泰二年正月立正書在偃師

碑稱正光五年卒越六年始葬按明帝正光六年改元孝昌
孝昌三年改元武泰核其時當是武泰二年也云秦州隴西
郡狄道縣都鄉華風里人又云卒于汝陽縣之承年里皆古
里名又云葬洛陽縣覆舟山之東南太平寰宇記偃師縣有
覆舟山陶季述京邦記云周回二十里下有白水苑是也此
云在洛陽者與偃師接境銘詞云衆實叵蓋叵者叵測之意
蓋出說文序云是非無正巧說袞辭使天下學者疑蓋然則
蓋者疑不定之意耳又云楨樹疎竦則爾雅拍掬是也

中嶽嵩陽寺碑銘

天平二年四月立隸書碑後刻大唐麟德元年九月從嵩陽
觀移來會善立一行

洛陽伽藍記云嵩高中有嵩陽寺卽此是也碑云司空公表
仿昔在齊都欽承師口頽歸中國爲寺檀主本頽旣從雲歸
云云按魏書列傳云裴粲弟衍字文舒仕蕭寶卷景明二年
始得歸國授通直郎衍欲辭朝命請隱嵩高又云贈使持節
車騎大將軍司空相州刺史蓋其隱時與生禪師有舊也碑
文寫宗爲宥寫爲爲軌爲軌拊爲拊東爲東殿爲殿度爲度
險爲嶮館爲館飭爲飭絜爲絜航爲航皆別字云對衆山之
振列列當是紐字又云潺流濳瀆濳卽濇字正文三倉云瀆
汙瀆也江南言瀆山東言湔以今方音定之亦信爲濇字頽

炎武以爲潛字之俗非也又云預捨一豪蒙不从毛用古字
葉封說此碑上截刻佛相極工中有空方六寸許

造須彌塔記

天平三年正月立正書在偃師

文云大魏天平三年歲次丙辰正月癸卯朔合邑等敬造須
彌塔一堰仰爲皇帝陛下師僧七世父母所生父母因緣眷
屬後爲邊地眾生常與善居彌勒三會唱在初口下生人間
矣王長者合邑諸人所願如是下列邑師比丘唯那等名中
有佛象長六寸字畫鋒穎透露可想見六朝筆勢碑在偃師
北十八里古聖寺此寺意卽魏時所立縣進士武君億得于
土中急置寺壁手拓其文寄予真好古敏求之士也

禪靜寺敬顯佛碑

與和二年立正書在長葛

碑紀顯儁歷官最詳云解褐奉朝請封泰平縣開國子除晉州別駕進封永安侯食邑千戶拜車騎將軍度支尚書俄遷都官尚書爲汾州刺史尋轉晉州刺史車騎侯如故拜儀同三司加拜驃騎大將軍潁州刺史大都督潁州諸軍事儀同三司開國如故按北齊書列傳云爲晉州別駕行臺倉部郎中轉都官尚書北史惟云歷位度支尚書封永安縣侯出內多歷顯官而已碑獨不及行臺倉部郎中宰相世系表又云北齊僕射史又不載不知何也齊書北史世系表皆云顯儁字孝英碑則于公名下缺一字云字顯儁亦不同此碑以梁洪雅建寺顯儁重修故爲是銘後有新除潁州刺史崔叔仁名碑字最謬不可勝舉其云百城旆樺乃施柝異文弱齡聽

瑄乃聰睿假音惟凶衿作匈猶用曾字正文與篆法合碑出于乾隆初年長葛民墾土所得字蹟完好

碑陰

陰列官將民望沙門名字所載敬氏之族甚多有主薄敬頴攷宰相世系表在顯儁上第三格云頴後魏北絳太守乃是顯儁之曾祖不應于顯儁立碑時列名碑陰蓋或是族曾祖行而世系表誤分其格正直顯儁之上也

李洪演造象記

武定三年三月刻正書在獲嘉縣法雲寺

文云夫靈光郁烈雖體洞口塵然一乘震運則十纏競發故釋迦出没口有其口也是以邑義口皆籍出蘭蕙秀貫烟雲悼純暉之日削恨重閣之年深遂相繼拾爰置嘉石於此爽

埋骨像一區庶鍾万品等階十號頌曰湛矣澄源修哉寶觀
息彼摸擬邁茲陳讚事等手足道猶花醉遠还口津清濁文
判有釋迥興體苞暉達淨樂蕭然常我無過三口是康左蓋
終脫六度告口雙林顯末於穆邑義廣夏之樑爰樹瓊像秀
髯遺光功口先祀福潤見方咸口口吉永拔宿霜武定三年
三月一日造訖凡二十三行前一行云邑子李洪演疑卽其
自書也此石字體端嚴筆鋒秀勁爲魏齊造像第一今世所
傳王獻之洛神賦善之樂毅論等或出自唐宋人鈎摹重刻
本猶珍惜臧護是書精美媿之又是魏時真本當何如寶貴

耶

魏邑主造石象銘

武定六年八月立正書在偃師

碑文云大魏武定六年八月戊辰九月己未朔十二日庚午

邑主

字空八

敬造石像碑文夫元精曠迹妙理冲深至道不廓

幽蹟難覩故像物開光出于恍惚之中法相倫暉生於希夷

之外曠彼口山結王子之口想睠茲口水闡九龍以成津澹

口堂堂若穹旻之帶曜霽尋之杳莫若遊霞之登九霄口口

正覺焉可究

究

哉故佛弟于邑主

字空八

等導流形宛耀光嵩

洛據口衡口道冠中鼎然自叀生逢隘運形沉邱壤識果業

之可崇知真筭之有期恐朝露之命覩太陽而旭晞草木之

年隨秋霜而降墜怙侍先霽冈極之功弗展幼子遐寰覆育

之恩靡託遂罄竭家資口引邑義構像通衢崇慈寶業我若

嶠谷之濱條蕩平原之里背祗邱叀樹形跨蘭蒿而建宇庶

能使七世幽魂趨處天堂之中前亡後死勉脫八難之苦爰

及肖允口口相承軒蓋重輝窺口繼口入衛鈞陣出宰葵岳
台釣相望珪璋疊影奔口翁尉流鼓篆素伏頌皇道雍熙景
命維新駿奔載馳我淚交輸行蘆歌德霜豎被澤裔錄再炳
升口吉始凡厥蒼生咸蒙斯福乃作訟曰聖迹敷流道永真
國王非寶儲二匪环捐妻施子外若遺屣金軀靡怪望庸哉
身遂登正覺神通自然群魔俯首靈冠諸天慈悲万有光照
大千苞綸曠劫仰之弥元擾擾群生有善有惡報應如響隨
心降謫磨茲愚果庶勉鼎鑊覲拔幽魂遷神妙樂伏頌皇家
景祚康延解鞅桃林釋轡即轡華山蒲車嚴阿訪逸求賢孤
竹捨微黃綺執鞭誹木徒設諫誠空懸導茲邑義採石嵩陽
方咏是肯樹此福堂勒碑倣像踰躡崇口壽之暇暖千載流芳
按此碑前人俱未著錄故載其文如右云邑主敬造石像碑

文邑主下及故佛弟千邑主下俱空八字無人名本非殘缺
當時待填姓氏耳文與字亦頗拙其別體甚多然云仰之弘
元元遠也又云隨心降擲擲落也又云磬茲懸果當借爲興
字多也見六朝時人猶能用古字古義今則文章日尙通俗
不出尋常行用之字矣

太公呂望碑

武定八年四月立穆子容撰正書在汲縣西北三十里太公
廟

水經注云汲縣故汲郡治城北三十里有太公泉泉上又有
太公廟廟側高林秀木翹楚競茂相傳云太公之故居也晉
太康中范陽盧無忌爲汲令立碑於其上今碑前有晉太康
十年三月丙寅朔十九日甲申盧無忌依舊修造錄無忌文

九行蓋晉碑已泐子容書之于石也後十二行爲狹子容大
北史穆崇傳云子容少好學無所不覽求天下書遂得萬餘
所得萬餘卷魏末爲兼通直散騎常侍聘梁齊受禪卒于河
農卿今碑云通直散騎常侍聘梁使與碑合又云平東將軍
中書侍郎恒州大中正修左史汲郡太守史所未及碑額有
象有碑陰書太公裔孫尚姓諸人

盧文云太康口口縣之西偏有盜發塚而得竹簡之書書藏
之年當秦坑儒之前八十六歲其周志曰文王夢天帝服元
纓以缺帝曰昌賜汝望文王再拜稽首太公於後亦再拜稽
首文王夢之之夜太公夢之亦然其後文王注之曰名爲望
乎蒼曰唯爲望吾如有所見汝太公言其季月與日且盡道
其言臣此以得見也注與之跡以爲卿士與史記不同又云

嶓嶠之下舊有壇場按水經渭水又東過陳倉縣西注磻谿
谷谿中有泉謂之茲泉卽呂氏春秋所謂太公釣茲泉也
人謂之凡谷東南隅有石室蓋太公所居也水次平石釣處
卽太公垂釣之所也其水清冷神異北流十二里注於渭括
地志茲泉水源出岐州岐山縣西南凡谷則此水在今陝西
寶雞縣東南其在汲縣者水經注又爲之說曰人亦謂之磻
谿太公避紂之亂屠隱市朝遜釣魚水何必渭濱然後磻谿
苟愜神心曲渚則可磻谿之名斯無嫌矣予按二說俱古當
以寶雞之磻谿爲長以其爲茲泉出于呂氏春秋也此碑書
法方正筆力透露爲顏真卿藍本魏齊刻石之字無能比其
工者

孝文帝弔比干文并陰

太和十八年十一月立正書陰元祐庚午林舍書在汲縣比干廟

碑陰記云比干書舊有元魏高祖吊文一篇填鑲在石其體類曩其字類隸久已爲鄉人毀去賴民間偶存其遺刻則此乃宋時重刻本也故附于魏碑之末金石畧有後魏孝文帝弔比干文注云衛州有碑陰今亡蓋言原刻本水經注清水東南歷毋野有殷大夫比干墓太和中高祖孝文皇帝南巡親幸其墳而加弔焉刊石樹碑列於墓隧矣魏書太和十八年十一月車駕幸鄴甲申經比干之墓親爲弔文樹碑而刻之卽此

殷比干墓題字

隸書在汲縣墓上

金石畧有後魏比干墓刻卽此水經注清水東南歷姆野有
殷大夫比干冢前有石銘題隸云殷大夫比干之墓所記惟
此今已中折不知誰所誌也按今惟云殷比干墓是又非鄭
道元所見之刻矣漢隸字原云石公弼跋云上世傳孔子書
然道元鄭樵俱不謂然周時亦無隸字足証世俗流傳之妄
也其字當有舊刻魏人復書之故又脫大夫二字漢隸字原
謂當是漢人書玩其筆蹟亦非也

白馬寺造象幢

正書在洛陽寺內

幢無蓋坐在白馬寺大殿左側苑中錢別駕站自西安來汴
過寺門搜得此石手拓以歸文摩泐不可讀作五十餘佛象
上下左右俱有題名但辨邑子某某而已審其製度筆法爲

魏人所作無疑

齊

清河王高岳造西門豹祠碑

天保五年立正書在安陽城隍廟

碑云使持節驃騎大將軍開府儀同三司州司馬州刺史清河王岳者齊書列傳云顯祖出撫晉陽令岳以本官兼尚書左僕射留鎮京師天保初進封清河郡王尋除使持節驃騎大將軍開府儀同三司宗師司州牧蓋以此時立碑也明一統志云西門豹廟在府城北大夫邨北齊天保年建碑刻尙存今碑缺年月太平寰宇記云鄴縣西門橋齊天保五年僕射魏收爲碑存焉則碑是天保五年魏收所撰無疑碑故在豐樂鎮廟內知縣彭某移于城隍廟中水經注云漳水逕武城

南又東北逕西門豹祠前東側碑隱起爲字祠堂東頭石柱
柱勒銘曰趙建武中所修也魏文帝述征賦曰羨西門之嘉
迹忽逕睇其靈宇寰宇記又云鄴縣西門豹祠隋圖經云在
縣東南七里北臨太平渠或恐碑移而祠基且將迷失矣趙
建武石柱銘又非汝帖所載石趙鄴祠柱刻也其刻宋時猶
存倘有好事者一訪之乎碑篆額云西門君之頌

碑陰

陰列官吏題名有云散騎常侍趙郡王州都郭海高下缺名
者高敞也齊書列傳云顯祖受禪進封爵爲南趙郡王邑千
二百戶遷散騎常侍以此知之郭海字見說文今史皆作渤
知六代人書猶無俗字也碑又有元韶穆子容銜名元韶齊
書有傳云冀封彭城郡王歷位太尉侍中錄尚書司州牧進

太傅齊天保元年降爵爲縣公此云射彭城縣開國公州都者其降爵也史不及開國公州都乃其疏穆子容見北史穆崇傳是時爲平東將軍別駕從事史亦可據碑以補史也在孫寺造象碑并陰側

河清三年四月立正書在登封蔣莊

碑文剝蝕須善打本方能辨之其字若篆若隸古雅可觀今伊陽內埠廣興寺殿左階下亦有河清造象碑當一時所爲前金石家未之著錄

姜纂爲亡息元畧造象記

天統元年九月立書在偃師

文云大齊天統元年季太歲乙酉九月庚辰朔八日丁亥男官姜纂爲亡息元畧敬造石像壹軀陞天靈暉西沒至理東遷

而盡神明像窮變現道遷業峻因藉報遠清信士姜元略志
隆邦國仁越州閩衡巷仰風邛邑譽望早洞元源風達空育
而石火電爛倏忽從化松摧落岫蘭彫夏霜寶散閭泉玉碎
黃壤父慕情慕東門心憑寘福特爲亡略敬造先君像壹軀
左右二侍聖相真容妙絕娑婆雕檀刻削波斯惡奇鏤金鏤
石優填慙巧神光照爛遍滿閭浮香氣氤氳充塞世界業盛
飛行事符踊出以此勝因追資亡略卓登淨境獨步虛空逍
遙天服珥字出六塵遨遊慧體長超八難彈指則遍待十方
合掌則塵奉衆眾臨過去尊卑見存眷屬亡生淨鄉現獲妙果
當來龍華嶺昇初唱皇家慶隆澤治遍地三途楚毒俱辭苦
海六道四生成蒙勝福壹切有形同成正覺按此碑及武平
七年孟阿妃造象記皆近年出土偃師武進士所搜得者前

八俱未著錄故悉載其文文中別體甚多惟爛作爛用古字
天統造象記

天統三年二月立正書在洛陽

碑字似隸似楷極爲古雅菩薩字卽若薛也故一切經音義
云作扶薛蓋聲之轉耳六朝隋唐皆作薩不从產字可証也
其寫契爲契彌爲珍華爲簪受爲支見爲現皆別字寫前爲
肯壹爲壺善爲善滅爲滅皆古字其借堪爲兪省圖爲固異
文也前列邑主維那香火等人名後列洛州諸官姜範皇甫
迴趙恩榮三人銜名

丈八大象記并陰

天統五年五月立正書在許州關帝廟

碑文云□□□□衆相理融是非□□□□慈悲爲懷弘濟五

濁□□權宜朗鑿万法隨逐根□□雙林緣盡居尸遂能
使□□搆剝番穢波斯况優未□□不仰慕聖容者教是以
□義一百人等以今大齊天統五年歲在丁亥五月十五日
共造丈人大像七軀上爲皇家永康下爲群品師僧□毋累
劫回緣四生洽識悉捨忘想同登正覺□其訟旨□殿蓮基卑
像靜嘿聲聞菩薩侍立其側徒衆和雍僧□藏饒禪誦歎詠
晝夜無息以此福緣告報無極其置福處也北連名山太邱
之廟南有高岫胡城孔固處在中央同悟水東注人民□祥
營造福業上爲帝皇四海歸湊素樂□壘以斯願力俱曾道
場□已義諸人皆元出四海據□□川礼教自防德達仁□
□□爲尊以法爲□欽敬三□□歸投以斯福緣永□□
□□□□□後列邑子比邱唯那名此碑前人俱未著

錄故載其全文碑多別體字如寫彳爲亻爲彳爲彳合作洽門作岫之屬不可勝舉惟云其訟曰以訟爲頌合六書之義歌訟字从言頌貌字从頁六代猶有知之者今以頌爲訟容爲頌則假音而非本義也

邑義造神碑尊象記

武平二年五月刻正書在洛陽

金石畧有齊佛龕碑注云天統三年立武平三年刊西京疑卽此碑亦多別體字借甚爲長從爲蹤餘悉如今世俗書寫懼爲慙悟爲憶他碑未見

馬翊王潤平等寺碑

武平二年立正書在洛陽

碑稱高潤神武皇帝之稚子按北齊書列傳云馬翊王潤字

子澤神武第十四子也鄭樵金石畧有北齊馮翊王平等寺
寺碑云武平二年在洛陽知卽此碑今多摩滅又無年月矣
金石錄載其文云寺魏廣平王懷所立永平中造定光銅像
在寺外齊高祖始遷像入寺潤又增修殿宇焉洛陽伽藍記
云平等寺廣平武穆捨宅所立在青陽門外二里御道北所
謂孝敬里也堂宇宏美林木蕭森平臺複道獨顯當世寺門
外金像一軀高二丈八尺相好端嚴常有神驗國之吉凶先
炳祥異孝昌三年十二月中此像面有悲容兩目垂淚遍體
皆濕時人號曰佛汗京師士女空市里往而觀之有比邱以
淨絲拭其淚須臾之間絲濕都盡更以他絲換俄然復濕如
此三日乃止明年四月爾朱榮入洛陽誅戮百官死亡塗地
卽此寺也

都邑師道興造像并治疾方

武平六年六月刻正書在洛陽

刻凡二幅上有小釋伽像下有記述刻藥方及造象之事云
都邑師道興乃抽簪少稔早託續門續卽緇字之俗耳下爲
療上氣咳嗽腹病體腫諸方

孟阿妃造象記

武平七年二月立正書在偃師

文云大齊武平七年歲次丁酉二月甲辰朔廿三日丙寅清
信弟子孟阿妃敬爲忘夫朱元洪及息子敖息子推息白石
息康奴息女夔姬等敬造元君像一區今得成就頽亡者去
離三途永超八難上昇天堂侍爲道君芒芒三界蠢蠢四生
同出苦門俱昇上道碑新出土其以忘夫代亡夫甚竒寅作

質雙作雙姬作姬齏作齏皆異文齏字未詳

董洪達造象記

武平九年正月立正書

碑文與字體頗劣寫月爲夕日爲○可爲奇爲齏齏帶篆勢餘亦多有別字按李仲璇碑隋陳思王廟碑亦篆隸相雜六代人徃徃如此無足怪者今世朱學士筠書翰古雅實有所据俗多譏之毋乃不多見古碑碣歟予嘗見隋以前碑多帶篆隸而宋人傳摹諸帖悉魏晉六代人書並無古體大率唐人臨本依古人署名于後耳碑下列比邱齋主等人名其寫齋爲齏顧炎武斥其太繆然亦齏字之異文說文以齏爲齏齏字今借音耳不可謂非

武平造象記

武平五年十月立正書在汜水

碑止存上截姓名無攷

洛州卿城老人佛碑

正書隸額在洛陽賓陽洞

碑字摩滅額尙完好前列副像主張孝舒等名後云三十四人等口口敬造尊儀一龕上祚皇家碑末有大齊缺十年正月廿一日字童鈺河南府志云金石畧有齊佛龕碑天統三年立武平二年刊在西京不知此是非

魏靈藏薛法紹造象記

正書有額在洛陽

字體似楊大眼記瑋捺卽荆條別字也又寫標爲樹哈爲哈希爲審求爲永豪爲蒙率爲率棘爲蘇

隋

杜乾緒等造石像記

開皇十二年二月立正書在葉縣

一碑分三截上截記中截銘下截題名銘文典麗字隸法古雅
可愛

舍利寶塔下銘

仁壽二年四月立正書在河南布政司庫

金石畧有舍利寶塔下銘云仁壽二年未詳卽此碑云謹於
鄧州大興國寺奉安舍利崇建神塔則當在鄧州不知何時
移至開封也予所見仁壽元年塔銘尙有二皆隸書一在同
州一在青州府此文刻以圓石字亦古雅有六朝人遺意尤
可玩也云頂戴歡悅說文喜樂也憲說也義同其寫愍爲愍

滅爲滅法爲活懇爲懇垂爲乘戍爲戍爲戍爲戍懇爲懇替膠
鄭州刺史爲子造象記

大業元年口月立正書在滎陽南寺

碑文駢體字亦不工上有石刻佛像彫鏤極精按劉昫唐書
本紀云高祖大業初爲滎陽樓煩二郡太守刻石當在此時
但史稱武德三年罷郡置州改太守爲刺史此在大業初已
稱刺史又何也劉昫書張仲方傳云仲方拜鄭州滎陽大海
佛寺有高祖爲隋鄭州刺史日爲太宗疾祈福於此寺造石
像一軀凡刊勒十六字以識之歲久刊缺滎陽令李光慶重
加修飾仲方刊石記之以聞今此碑共百五十餘字蓋史作
十六字傳寫之譌其文與字古拙似是原刻非李光之所修
飾尤可寶貴云衛護弟子弟字从竹足証第卽弟變體今人

分次第字从竹兄弟字作弟謬矣銅文之字借彫一鋪之字
借軀猶有古意冥寫冥不成字鄭樵金石畧有鄭州刺史李
淵造石像記云在鄭州卽此也

中州金石記卷二

建德五年立陸德明撰正書在汜水

唐上

新建觀音寺碑

武德五年立陸德明撰正書在汜水

碑款式字體俱疑僞作或有其原刻後人復爲之也碑云王世充竇建德爲讐大邦我秦王赫然斯怒罪人乃得班凱還師駐蹕廣武按劉昫唐書本紀云武德四年五月己未秦王大破竇建德之衆於武牢擒建德河北悉平丙寅王世充舉東都降河南平秋七月甲子秦王凱旋獻俘于太廟正與碑合

等慈寺碑

貞觀二年□月立顏師古撰正書篆額在汜水

太宗破王世充寶建德乃于戰處建寺爲陣亡將士薦福文中稱世充爲王充因諱去一字耳朱長墨池編作大唐皇帝等慈寺碑者額文也

伊闕佛龕記

貞觀十五年十一月刻岑文本撰褚遂良正書篆額在洛陽伊闕

集古錄有貞觀十五年三龕記云唐兼中書侍郎岑文本撰起居郎褚遂良書字畫尤奇偉三龕像最大乃魏王泰爲長孫皇后造也寶刻類編云貞觀十五年十一月磨崖刻今缺撰人年月據此書之洛陽縣志云賓陽洞舊有岑文本三龕石刻今失者誤也額篆書闕字作闕謬甚碑稱文德皇后道

高軒曜云又稱左武侯大將軍相州都督雍州牧魏王卽
魏王泰子以丙午秋日閱視兵伍因過伊闕山訪寶陽洞見
泰所造三龕佛像大五六丈其伊闕夾水兩岸石龕佛像數
百皆後魏及唐世所鑿也龕之旁側往往有刻字惜不能備
窮其勝因憶水經注稱闕左壁有石銘云黃初四年六月二
十四日辛巳大出水舉高四丈五尺右壁又有石銘云永康
五年河南府君循大禹之軌部督郵辛曜新城令王琨部監
作掾董猗李裒斬岸開石平通伊闕石文尚存也疑此刻磨
崖不致失墜好古之士訪之當或能見焉故附識于此

贈比干太師詔并祭文

貞觀十九年二月立薛純陀隸書在汲縣

寶刻類編有此碑顧炎武以爲重刻者不知何據劉昫唐書

本紀云貞觀十九年春二月贈殷比干爲太師諡曰忠烈命所司封墓葺祠堂春秋祠以少牢上自爲文以祭之卽此純陀書有辨法師碑及砥柱銘歐陽修稱其書有筆法其過焉精悍不減吾家蘭臺趙明誠始得此碑云歐陽公所未嘗見也

思順坊造彌勒像記

貞觀二十一年四月立正書篆額在洛陽伊闕

碑分四格上層篆額次層正書額中層銘文下層造象人姓名唐初字體猶有六朝遺意然別字最多至虞褚柳顏始大變其格字亦審正以此知同文之徵盛世之事也故許君序說文云諸侯力政不統於王言語異聲文字異形文字之傳可以觀世變矣此碑寫斷爲斲者爲者鑿爲鑿備爲備微爲

樹果爲菓疑爲凝豎爲暨豁爲豁彼徒俱从人儀从彳劫从
刃叢作叢皆別字玉篇有彼字云邪也蓋以爲頰字今此以
爲彼岸字則卽彼無疑云白豪月照豪不从毛是正字云松
柱檟叢按爾雅灌木叢木詩集于灌木傳灌木叢木也孔穎
達引李巡曰木族生曰灌陸德明爾雅正義作檟云字又作
灌此云檟叢以証陸氏之有本然實灌字之誤古無檟也

洛陽父老等卅人造象記

永徽元年立淳于敬一撰正書在洛陽

碑文寫斷爲斲檟爲檟儀爲儀庶爲庶皆別字云菘菘法津
可証菘菘卽從容譌字本草經有肉菘菘吳普曰一名肉松
容漢人芙蓉字多作夫容是菘菘非古字明矣碑碣之文可
知字體之變往往如此

招提寺三藏聖教序并記

顯慶二年十二月立王行滿正書在優師學宮

寶刻類編有此碑玉海引兩京記云元裝與惠明靈潤等翻定六百五十七部太宗制三藏聖教序按聖教序凡有四本一永徽四年一龍朔三年皆褚遂良書一咸亨三年懷仁集王羲之書俱在關中行滿書尚有韓仲良碑在陝西富平縣而書名不顯竇泉述書賦亦無其人觀其用筆端方緜密綽有姿致不在遂良之下蓋當時御製自皆擇善書人寫刊偶不顯于史耳末云刻字臣沈道元昔受禪碑劉禹錫以爲鍾繇鑄字古人刻碑亦必用能書人鑄石乃有神采後世則命工爲之不能精好也碑在招提寺不知何人移至學宮招提寺者太平寰宇記云緱氏縣古滑城在縣東一十八里城在

縣東一十八都城東有角有招提寺今偃師兼有漢緱氏地也

紀功碑

顯慶四年八月立高宗御製并行書飛白額在汜水等慈寺高宗過鄭州見先皇擒寶建德故地故緬想功業因立此碑也碑文甚宏麗字亦奇偉寶刻類編云顯慶四年八月立今據書之中有云赦其累榷之辜宥其堦埴之命堦字最古說文長也類篇引方言楚部謂取物而匿口堦今本作堦取也楚部或謂之堦一曰揉也按堦埴卽揉土之義今本老子作堦亦後人傳寫之誤徐鉉新附增堦類篇又有堦字云和土也蓋謬

金剛經

正書在洛陽

碑字甚工中有而字疑武后時刻然寶刻類編有金剛經云
徐浩書在洛當卽此也以浩他碑証之字體亦自相似黃叔
瓚中州金石攷云龍朔三年不知何據

蘇寶才造象記

麟德元年六月立正書在洛陽白馬寺

文云弟子蘇寶才并妻劉奉爲皇帝皇后造石觀世音菩薩
一區今得成就謹共決俾蒼生普同供養麟德元年六月造
此石自錢別駕坵搜得之

會善寺造像記

麟德元年十月立郭智及正書在登封會善寺

顧炎武金石記缺書人名諦視之實爲郭智及書碑字漫滅
不可讀正書猶帶隸意若金字而字山字之類是也

金剛經

咸亨三年口月立王知敬正書在登封少林寺

金石錄作咸亨四年云無姓名蓋未諦視之耳竇泉述書賦注王知敬太原人門傳孝義工正行書劉昫唐書王友貞傳云父知敬則天時麟臺少監以工書知名

大德寺碑

上元元年秋立正書在澠池

碑云大德寺者荆河之口口也又云荆元魏帝規矩牟尼云云卽爲大德寺也是此寺魏時所起荆元者荆卽初字元訓始也末云上口是率歲次甲犬口秋是④滿⑤是⑥奉詔而下諸州口士女口觀口口口寺先被廢今儀像堂闕現存並還舊云云下缺是唐高宗時復修此寺因立碑紀事也上字

下缺據云歲次甲犬考甲戌是上元元年其缺者知是元字
此特以犬爲戌代字也碑文甚奇古而字多別體如之作虫
龜作兪禎作禱廡作闌綵作彙之屬不及備舉通鑑稱天授
元年鳳閣侍郎河東宗秦客改造天地等十二字以獻丁亥
行之此碑作于上元已用而塋等字不知何也中州金石攷
云唐鴻慶寺一碑未詳何代卽此碑童鈺河南府志云疑卽
金石錄所謂澠池縣令宗人爲高宗造像碑也按金石錄云
神龍元年五月邵晁撰正書無姓名與此年月不合童鈺說
未是

孝敬皇帝獻德紀

上元二年八月立高宗御製并行書飛白額在偃師

劉昫唐書列傳云孝敬皇帝太子宏高宗第五子也上元二

年太子從幸合璧宮尋薨謚爲孝敬皇帝其年葬於緱氏縣
景山之恭陵制度一準天子之禮高宗親爲制版德紀并自
書之於石樹於陵側卽此碑也太平寰宇記云緱氏縣有恭
陵孝敬皇帝陵在縣東北五里今俗亦呼太子陵河南通志
誤曰敬宗陵蓋謬甚矣武進士億云碑云宏字宣慈今史于
燕王忠太子賢並書字而此獨見遺蓋失紀也又云年才一
歲立爲代王高宗紀永徽六年封子宏爲代王本傳亦同若
以一歲始封數之自永徽六年至上元二年太子宏之薨年
乃二十一而傳作二十四歲者誤也武君偃師人深于經史
之學著有虛谷金石錄

武后少林寺詩

永淳二年九月立王知敬正書在登封少林寺

寶刻類編有此碑此武后幸少林寺觀先妃營建之所卽事
悲懷詩也唐初詩尚有齊梁風韻金石略作王知恭蓋五代
人避晉祖諱宋人引其文多未更正非二人也

濟源縣宗姓爲高宗造太上老君石像碑

垂拱元年十二月立李審幾撰沮渠智烈正書在濟源奉仙
觀

鄭樵通志金石略有沮渠智烈書奉仙觀老君像碑云未詳
卽此是也碑云宗姓前河陽令李儒意雲騎尉李公協騎都
尉李德爽等二百五十人奉爲高宗天皇大帝於奉仙觀敬
造老君石像一座并夾侍二真人蓋因高宗升遐而爲祈冥
福也沁池縣亦有高宗造像碑見金石錄今訪之不得此碑
字體精整甚可寶玩智烈復有少姨廟碑當在偃師啟母碑

見金石略當在登封亦訪之不得也

王元宗臨終口授銘

垂拱二年四月立弟紹宗正書在登封老君洞南

王元宗新唐書有傳云琅邪人紹宗兄隱嵩山號太和先生傳黃老術述書賦稱王祕監則首末全貞尊道重德或終紙而結字或重模而足墨濩落風規雄壯氣力播清譽而祖述屢見賞於有德如曲圃鴻飛芳園桂植注云王紹宗瑯琊人修禮子官至祕書少監劉昫唐書稱紹宗尤工草隸今其書實端雅可玩

木峒魏夫人祠碑

垂拱四年正月立路敬淳撰僧從謙行書篆額在懷慶府城西北紫金壇下祠中

碑文云魏夫人者卽是晉劇陽侯任城魏陽元之女也按陽元名舒晉書有傳云封劇陽子今云侯蓋誤又云本傳曰夫人年幾二十四適南劉幼彥幼彥爲修武令善爲德政仁風惠著時夫人隨在修武之館雖魏同舍縣內常齋于別寢季冬之月夜半聞空中有鐘鼓笳籥之聲羽旗光耀降魏夫人之靜室疊輦被服非人所聞見有四真人告夫人曰大帝勅我教子以神真之道注子於玉札應爲紫虛元君上真司命名山之號封南岳夫人後爲洛陽山成真人因爲立祠土俗號阿夫神原按太平御覽引南岳魏夫人內傳云夫人姓魏諱華存字賢安任城人晉司徒文康公魏舒女也少讀老莊春秋三傳五經百子事常別居一園獨立閑處服餌胡麻父母偈之強適太保公掾南陽劉幼彥矚昔之志存而不虧後

幼彥爲脩武令隨之縣舍閑齋別寢入室百日所期仙童季
冬月夜半四真人來降于室太極真人安度明東華青童君
碧海景林真清虛真人王子登於是夫人拜乞長生度世青
童君曰此清虛真人者爾之師也當受業焉景林真曰爾應
爲紫虛元君上真司命封南岳夫人也云云又云陽洛山有
洞臺是清虛之別宮也此碑云適南劉幼彥當是南陽脫文
洛陽山當爲陽洛山疑皆書文人之誤碑因懷州刺史南陽
鄧府君祈雨之驗因爲立銘而作篆額字亦多別體如澗从
山巍省山曰作田碑从田及夫字篆題字無不謬者凡九字
惟兩字不誤耳

魏夫人祠題名碑宋人題名附

下方有云今有魏夫人下志等処小熊青龍谷虎頭沐澗皆

是聖賢以大石所試元君之處大唐四年六月五日凡三十
九字所謂元君者卽紫虛元君夫人是也大唐下有年月無
年號或是武德初題或是後人戲書之上方及左右又有宋
皇祐庚寅張吉甫至和元年張子諒何嶠姚師魯嘉祐丁酉
潘旦杜璞元祐辛未脩武令張斐題名末有至元十九年三
月所記廟地四至及知廟王志希名

封祀壇碑

登封元年十二月立武三思撰薛曜正書在登封縣西萬年
岡

金石錄有登封元年封祀壇碑云武三思撰薛曜正書寶刻
類編云萬歲登封元年十二月顧炎武云下截剝蝕亡其年
月今據寶刻類編知之碑中有爾字至字卽君字人字宣和

書譜載武后增減前人筆畫爲十九字有此文但微誤耳鄭
樵通志六書略作十八字乃遺此二字新唐書后妃傳又作
十二字俱不同爾亦見順陵殘碑至亦見司稼寺卿杜夫至
墓志

馮善廓造浮圖石象銘

萬歲通天二年四月立趙顛撰正書在長葛

其文甚工字亦有姿致惟寫美爲姜繼爲練丙寅爲景演不
朽爲不朽皆異文此碑新出故金石家多未著錄也碑中有
俞刻石象字在四圍

申嶽體元先生太中大夫潘師正碣文

聖歷二年二月立王適撰司馬承禎隸書在登封老君洞
題云弟子中巖道士猷馬適篆書寶刻類編有此碑云司馬

子缺蓋不識微字也。顧炎武又疑子微爲承禎字。劉昫唐書
隱逸傳略云：潘師正，大業中，度爲道士，師事王遠知，居於嵩
山之逍遙谷。高宗與天后甚尊敬之，尋勅所司於師正所起
造崇唐觀，嶺山別起，精思觀以處之。以永淳元年卒，贈太中
大夫，賜諡曰體元。先生多與碑台隱逸傳。又云：道士司馬承
禎，字子微，頗善篆隸書。元宗令以三體寫老子經。續仙傳云：
承禎攻篆，迴爲一體。號金剪刀書。按獄字見說文，云：司空也。
復說獄司空，此以爲司假音字耳。其以鹵牽爲子微字，謬甚。
鹵乃鬘字之誤。說文：鬘，籀文子凶，有髮臂脛在几上也。今寫
从黃，便失其義。舉出郭忠恕汗簡云：篆微字出碧落文，但說
文無篆字，又未知何字之譌。唐時所謂工篆籀文類如此。六
書之學幾絕矣。

昇仙太子碑

聖歷二年六月立武后撰并草書在假師縣南三十五里

店

劉昫唐書本紀云聖歷二年二月戊子幸嵩山過王子晉廟
丙申幸緱山碑云千乘萬騎鉤陳指靈岳之前谷遠川溱羽
駕陟仙壇之所又云乃爲子晉重立廟焉又改號爲昇仙太
子之廟卽其事也通鑑云聖歷二年二月己丑太后幸嵩山
過緱氏謁升仙太子廟據碑則子晉廟以六月改名史家不
合二月卽稱之宜和書譜稱后初得晉王導十世孫方慶家
藏書蹟摹榻把玩自此筆力益進其行書有丈夫氣今觀其
草法極工有烏絲方格尚似章草及皇象書孫過庭書譜習
永千文之體惟世傳懷素張旭草書乃多變格後世草書之

學幾絕類皆託仿懷素甚矣人之好異也予嘗論學書之法臨帖不如臨碑碑則古人親自書丹當時摹刊求其神采宜得十分之九其見手法帖則傳之百數十年紙墨漫滅或是後人臨摹贗本賞鑒家誤以爲真俱未可定觀大觀淳化絳汝諸帖所收名臣書謬錯支離類皆以私意定之不足信也水經注云休水又東屆零星陽水流潛通重源又發側縱氏原開山岡謂之緱氏山也亦云仙者升焉言王子晉控鶴斯阜靈王望而不得近舉手謝而去其家得遺屐俗亦謂之爲撫艾堆堆上有子晉祠又按史記索隱顧氏案裴秀冀川記云緱氏仙人廟者昔有王喬樾爲武陽人爲柏人合於此得仙非王子喬也則在水經注之前未知何據神仙之說多近于無稽周書王子晉解師曠謂王子火色不壽未及三年告

死者至緱氏周邑或子晉死所耳後人哀之謬云仙也

游仙篇詩刻

武后御製薛曜正書

此卽昇仙太子碑額之陰下爲鍾紹京書諸臣題名詩五言
排律

昇仙太子碑陰諸臣名

鍾紹京正書

碑面久爲世傳摹而碑陰爲諸臣題名知者絕少今錄其文
第一層列春官尚書檢校內史監修國史上柱國梁王忠三
思光祿大夫行內史上柱國邢國公忠王及善中大夫守鳳
閣侍郎同鳳閣鸞臺平章事上柱國忠蘇味道朝散大夫守
鳳閣侍郎同鳳閣鸞臺平章事忠魏元忠銀青光祿大夫守

納言上柱國汝陽縣開國男思狄仁傑銀青光祿大夫守納
言上柱國譙縣開國子思婁師德銀青光祿大夫行鸞臺侍
郎同鳳閣鸞臺平章事上柱國鄭縣開國子思揚再思朝請
大夫守而官侍郎同鳳閣鸞臺平章事左控鶴內供奉思吉
頊後有勅檢校勅使守鳳閣舍左右控鶴監內供奉騎都
尉思□□又有題御製及□宸□梁王三思已下名思薛稷
書探石官□□行洛州來庭縣尉思□駿題諸□等名左
春坊錄事直鳳閣思鍾紹京書下層大唐神龍貳年歲次景
午水捌月壬申金朔貳拾漆日戊戌木開府儀同叁司左千
牛衛大將軍上柱國安國相王旦奉制刊碑刻石爲記後列
從官特進行尚書左僕射兼檢校安國相王府長史平章軍
國重事上柱國芮國公豆盧欽望從官太中大夫行安國相

王府司馬護軍皇甫忠朝散大夫守安國相王府諮議上柱
國邢國公口溫朝議大夫行安國相王府記室參軍事悅
朝議郎行安國相王府文學韋利器朝議大夫行安國相王
府倉曹參軍辛道瑜京兆韋庇行安國相王府屬韋慎行安
國相王府掾也知幾行安國相王府典軍也琬行安國相王
府典軍衛日新從安國相王品官行內侍省掖庭局令戴息恭後又列承議
目安國相王品官行內侍省掖庭局令戴息恭後又列承議
郎行左春坊錄事直鳳閣惠鍾紹京奉勅勒御書宣義郎直
司禮寺惠李元琰勒御書缺惠卓勒缺麟臺楷書令史忠口
伯卿勒字下列直營繕監直司韓神感刻御字洛州永昌縣
惠朱羅門刻御字又有宋人題字云政和二年二月廿九日
西京留守鄧洵武率僚屬恭謁王子喬祠男雍侍行武億云

案此碑題名諸人多見史傳今以攷之新唐書亦時有漏誤
狄仁傑封汝陽縣開國男而傳僅云睿宗又封梁國公宮前
封爵不書此又字何因耶楊再思傳封鄭縣侯今碑陰乃作
鄭縣開國子然則傳云侯者誤也吉頊在宰相表久視二年
三月甲戌頊始加左控鶴內供奉而頊侍武后從幸當聖曆
二年碑陰已書此攷相王且刊碑刻石蓋于神龍二年故得
續錄其官也豆盧欽望傳帝復位擢尚書左僕射中宗紀復
位當神龍元年下書特進豆盧欽望為尚書右僕射宰相表
神龍元年欽望自特進為右僕射紀表與傳書左者皆不符
得碑陰證之竟作左僕射此又紀與表皆誤而傳為獨得其
實又碑云行內侍省掖庭局令據百官志惟有宮闈局令二
人無作掖庭之交此亦自志有疏脫處也按曾子固跋襄州

徂此寺碑云鍾紹京書其字畫妍媚遒勁有法誠少異爲比
今所見特此碑尚完以予証之此碑題名亦紹京書而幸完
無缺曾氏殆未之見也

鴻慶寺碑

聖歷口年立口口干撰官若驚正書在澠池

碑云高祖諱龍成周蓋屋縣尉通洛縣丞隨崇政縣令曾祖
諱昌仁周三嶠鎮將祖諱則下多摩滅又云爰於口口式建
豐碑粵若稽古口冊金輪聖神皇帝陛下云云是作碑人爲
其先代造寺祈福之辭若驚字甚工而無書名金石家亦多
未載此碑不知何也蓋字當作盪而漢書頗有作盪者竟出
此碑蓋唐人傳寫漢書之誤

御製夏日游石淙詩并序

久視元年五月立諸臣撰薛曜正書在登封石淙北崖

寶刻類編有此碑劉昫唐書本紀云聖歷二年四月幸三陽宮五月改元爲久視通鑑云久視元年正月戊寅作三陽宮於告成之石淙夏四月幸三陽宮蓋以此時賦詩也三陽宮在嵩山其碑三格橫書上層書詩序及天后御製七言詩一首中下層書侍游應制皇太子顯太子左奉裕率兼檢校安北大都護相王旦太子賓客上柱國梁王三思內史狄仁傑奉宸令張易之麟臺監中山縣開國男張昌宗鸞臺侍郎李嶠鳳閣侍郎蘇味道夏官侍郎姚元崇給事中閻朝隱鳳閣舍人崔融奉宸大夫汾陰縣開國男薛曜守給事中徐彥伯右玉鈴衛郎將左奉宸內供奉揚敬述司封員外于季子通事舍人沈佺期各一首顧炎武譏其文內天台謠石銜謠衝

瀑水瀉曝今諦視之實作天台右撇一筆乃裂文耳諸臣銜
名字畫淺小易于摩滅故具錄之末有大定癸卯棲雲學家
再游十字隸書是金人題名詩中有函字卽初字也鄭樵金
石略作函傳寫誤

秋日宴石淙序

張易之撰正書在登封石淙南崖

劉昫唐書本紀云大足元年夏五月幸三陽宮蓋以此時爲
序通鑑大足四年毀三陽宮以其材作興泰宮於萬安山自
此以後武后不至石淙矣方志云是文刻石淙南崖下臨澗
谿人跡罕至傅太常梅命工打本其文載嵩高金石志葉封
嵩陽石刻記云今校之補識陽城二字而漫漶者十之三矣
又云書與天后游石淙詩序相似疑薛曜書也未自宋至

二年范純仁題名及熙寧宣和時題字人名

大雲寺皇帝聖祚碑

大足元年正月立賈膺福撰并隸書篆額在河內

金石錄有此碑今賈膺福名摩滅膺福與薛昌容李振鍾紹京等有工書名劉昫唐書列傳云曹州宛句人懷州刺史敦實子先天中歷左散騎常侍宏文館學士碑云河內大雲寺者本隨文皇帝所置長壽寺也河南通志不載此寺蓋其漏略碑額云大雲寺皇帝聖祚之碑篆頗工聖作鑿用武后字第一行書撰人名下又題睿祖康皇帝孫文林郎太原武盡禮勒上黃叔瓚中州金石考云碑陰長安二年蕭懷素書寶刻類編蕭懷素有周大雲寺詩是也

祀信墓碑

長安二年七月立盧藏用撰并隸書篆額在滎陽

寶刻類編有此碑唐文粹載此文地形志云滎陽有紀信冢
劉昫唐書本紀云麟德二年十一月次于原武以少牢祭漢
將紀信墓贈驃騎大將軍知唐時甚重紀信碑未述其事惟
記縣令孔祖舜表墓之美中有云石乞就亨以佞白說文無
殉字知經史殉字皆當作佞又云攝齋而請齋見說文知唐
人猶能用古字也今本唐文粹俱改爲殉爲齋賴碑刻以証
之矣呂總續書評八分書五人稱盧藏用書露潤花妍煙凝
修竹今觀其書信然

碑陰

陰記耕耨于紀公墓側得一古石其螭首及兩側龍距文詢
之故老莫究年代遂樹之于墓刊勒斯碑云云今碑額螭文

宛然卽其石也事甚奇異後人庶保護之

衛州共城縣百門陂碑并陰側

長安四年立辛怡諫文張元琮記孫去煩行書篆額在輝縣
百門陂者左傳僖十四年晉人又敗鄭師及范氏之師于百
泉是也水經注云重門城有安陽陂次東又得卓水陂次東
有百門陂陂方五百步在共縣故城西太平寰宇記云共城
縣百門陂在縣西北五里方五百步許百姓引之以灌稻田
此米明白香絮異于他稻魏齊以來嘗以薦御陂南通漳水
卽其地也此碑引水經出自汲郡共山下泉流百通故謂百
門會同于淇合流于海今本又無此語碑陰載祈雨晴有驗
及諸人咏事詩句篆額曰百門陂碑

滎陽令盧正道清德文

神龍三年五月立劉穆之撰王守哲隸書在滎陽

碑文甚絳麗可頌云身有成績以代厥字頌云琴鳴密箴以代宓字主簿字作薄漢碑皆如此可証孟子先簿正祭器之卽薄也正道官至鄂州刺史葬在洛陽許家營開元間李邕爲書神道碑今存史不載在良吏傳何也劉穆之見寶刻類編有長安三年劉暉造七寶阿彌陀像記是其書撰云在京兆今未見

盧正道勅

景龍元年十月立正書在滎陽

宰相世系表正道鄂州刺史今洛陽許家營有鄂州刺史盧府君神道碑云除洛州新安宰以犯諱更滎陽又云璽書是降又云免勛終始無替嘉聲卽謂此勅也正道生有美政至

今葬處猶賴碑碣可以考知其祖父兄弟名具見世系表

孝子郭思訓墓志

景雲二年十二月立正書在洛陽史家灣王宅

碑云弟雍州武功縣尉思謨思謨亦有墓志兄弟俱應孝弟廉讓舉可想見其家風之美云遷合于洛陽北部鄉之原陪葬先塋之王地子覽書傳洛陽陵墓之盛甲于他縣今方志漏略不能博考故于墓碣表出之使後世不至迷失況二郭孝行尤有可嘉碑云父敬同徙居洛陽今爲洛陽人方志人物亦復不載何與後有撰志者幸按斯碑補其缺也

內侍高力士等造象功德碑

開元口口年立明皇御製并正書在洛陽

碑云弟子大監門衛將軍知口口口事口口國渤海郡開國

公內供奉高力士下缺又云光祿大夫行內侍省內侍上口
口口農郡開國公內供奉楊思勛下缺餘列諸內侍名多摩
滅唐世寵昵內侍拜官進秩至人君爲書佞佛碑文未免太
過其流乃有李輔國弄權之事履霜堅冰豈非千古龜鑑邪
周公祠碑

開元二年十二月立賈大義撰正書在偃師

洛陽伽藍記云首陽山舊有周公廟世隆欲以太原王功此
周公故立此廟廟成爲火所災有一柱焚之不盡後三日雷
雨震電霹靂爲數段柱下石及廟瓦皆碎於山下文水經注
云河水南對首陽山又有周公廟今碑云偃師縣祠堂者按
圖經云後人懷口恩所置也負陽岑之巖險面通谷之繁紆
碑故在石橋保近首陽山當是魏時舊廟唐人所修今移碑

至學害恐失其耻矣碑又云公字朝明不見經傳其下述祈
雨之人爲尹李傑行少尹劉楨行少尹崔元佐官司錄柳齊
行令劉體微行丞王鈺行主簿李循古行尉崔延祚按李傑
劉昫唐書有傳云開元初爲河南尹傑旣精於聽理每有訴
列雖衢路當食無廢處斷由是官無留事人吏愛之新唐書
家太子詹事景公傳云李傑爲河南尹與公皆一時選世謂
畢李卽其人也宰相世系表劉氏有體微諫議大夫衛尉卿
今云朝請大夫行令博陽縣開國男者是時行偃師令也通
志金石略有周公祠碑云開元二年立在西京卽此而不著
撰人名

衢州都督姚懿碑

開元三年十月立胡皓撰徐嶠之正書篆額在陝州張茅南

二里許墓前

寶刻類編有此碑碑載懿歷官尤詳云隋授本縣令太宗東
伐王充授鷹揚郎將長沙縣男水陸道總管俄而貶授晉州
高陽府折衝都尉除常州長史尋除陝州刺史累加銀青光
祿大夫龍朔初邛蠻作梗乃除使持節壽州都督卒藁葬於
陝石縣安陽公之原景龍年以時宰先人特制追贈幽州都
督又制贈吏部尚書諡曰文獻公懿乃崇之父也宰相世系
表稱硤郡姚氏梁有征東將軍吳興郡公宣業生安仁隋汾
州刺史生祥隋懷州刺史檢校函谷都尉皆與碑合惟碑云
安仁青汾二州刺史祥懷州長史是世系表誤長史為刺史
足証傳寫之失碑云懿字善意與世系表同劉昫唐書姚崇
傳云父善懿貞觀中任揚州都督則合名字並稱誤矣嶠書

之存者惟姚氏二碑此尤完整可觀良足貴也

光祿少卿姚彞神道碑

開元五年四月立崔沔撰徐嶠之正書在洛陽許家營

寶刻類編有此碑云崔沔撰今碑缺沔字劉昫唐書姚崇傳云長子彞開元初光祿少卿宰相世系表彞鄧海二州刺史碑云拜鄧州刺史金石略有徐嶠之書光祿少卿姚彞碑注云西京碑雖缺名知卽是也彞卽懿之孫祖孫墓碑皆嶠之所書墨池編稱唐之工書者多求其三葉嗣名者惟徐氏新唐書徐浩傳稱浩父嶠之善書以法授浩今其書疏秀方整有初唐虞褚遺意懿碑云葬於硤石此云葬於東都萬安山之南原孫不附祖未知何故其墓則猶可蹤跡也

幽棲寺尼正覺浮圖銘

開元六年七月立正書在汜水多寶院

文不甚工字帶隸體云入仏法海者卽佛字關中有鄭州刺史爲子禱疾疏亦作此誓四生而雷法鼓雷字之省文也銘云皎見顧高葺此臺塔妍巖疑語疑源擬業皆以雙聲成文常熟縣令孝子郭思謨墓志

開元九年十一月立孫翌撰正書在洛陽城內董金甌宅

碑記思謨事母孝感異蹟及武后旌表之事云耐葬洛陽東門平川碑中肉字作失茂作葺皆異文穴字見吳越春秋又見漢史晨後碑葺字見漢書表又以上黨郡作上儻因知儻卽黨字之俗故漢書倜儻只作倜黨也孫翌字季良偃師人所撰又有高福墓志在長安題云麗正殿修撰孫翌季良會要稱其以校書郎爲集賢院直學士

奉先寺大盧舍那像龕記

開元十年十二月殷仲容撰正書在洛陽

盧舍那者釋元應大方廣佛華嚴經音義云或云噓祐那亦言盧折羅此譯云照謂徧照也以報佛淨色徧周法界故也又日月燈光徧周一切處亦名盧舍那其義是也記文左行按左行之體仿于瘞鶴銘當由厓上書丹手勢便利耳此亦用之疑當時牒文之體後卽牒也殷仲容者曾摹孔子十字篆書之人準字作准後人以爲避寇萊公諱至今用之據此碑已然按元重刻漢桐柏淮源廟碑云准則大聖五經文字云字林作隹元應賢劫經音義准平注說文作準同則明准字自古有之俗云避寇準諱顧炎武又以爲朱順帝名準故沈約宋書平準令王準之皆作准蓋未然矣

相州門徒一百人等饒谷寺東建塔記

開元十四年十月立正書在林縣

按碑知塔以萬歲登封元年建有云渴仰遺形願分灰骨蓋門徒等以其師骨造塔西域立塔或以柱代之名爲剎柱以安佛骨今之立塔是其遺制近世多以形家言立塔寺中非爲葬僧蓋失其義矣又云馴爲降質諍贊吞骨按通雅釋獸云贊有力說文云贊分別也从𧈧對爭貝讀若道郭璞云出西大秦國有養者似狗多力獷惡今倒寫一虎字不知何義唐人字體紕繆如此往往有之

張青光祿大夫陳憲墓誌

開元十四年十一月立隸書在偃師

碑缺一角故撰書人不可考云公諱憲字合將平陽臨汝人

又云泊七葉有漢大將軍棘蒲侯武者按漢書文帝紀云三年以棘蒲侯柴武爲大將軍臣瓚曰漢帝年紀爲陳武此云柴武爲有二姓功臣表作陳武然則憲姓陳又云葬于偃師縣龍池鄉之北原祠先塋今鄉名旣失墓亦不載于方志又云又嘗著中道通教二論注周易撰三傳通誌廿卷集內經藥類四卷合新舊本草十卷並行於代唐志旣皆未著錄而大觀本草稱引最博亦無藥類書之難成而易失如此

道安禪師碑

開元十五年十月立宋儋撰并行書李鎬題額在登封會善寺廢戒壇前

寶刻類編有此碑云是李鎬題額今摩滅述書賦注宋儋字藏諸廣平人高尚不仕戶部侍郎宇文融薦授祕書省校書

郎作鐘體而側疑放縱迹不副名開元中舉場中後輩多師之葉封嵩陽石刻記云淳化閣帖誤列僞書于秦程邈後是碑于萬歷時雷震爲兩截下截入土掘地出之漫滅不可讀矣

嵩岳少林寺碑

開元十六年七月立裴灌撰并行書在登封

金甌琳瑯載其文按太平寰宇記云緱氏縣少林寺後魏孝文太和十九年立西城沙門號跋陀有遺業深爲高祖所敬信制于少室山隈立少林寺以居之公給衣供食碑云沙門跋陀者天竺人也緬自西域來遊國都大和中詔有司於此寺處之淨供法衣取給公府卽其事也太平御覽引談藪云北齊高祖多殺戮有稠禪師者以業行著稱箴之曰陛下羅

刹化臨水必自見之如其言果見羣羅刹在其後乃禁斷鷹
鷄造佛寺斷屠殺不食肉腥止食菜果而已碑云稠禪師撰
求正法住持塔廟卽其人也神僧傳云達磨北趨魏境尋至
雒邑初止嵩山少林寺終日面壁而坐九年遂逝焉羣熊耳
山碑云復有達磨禪師深入惠門津梁是寄弟子惠可禪師
等元悟法寶嘗託茲山亦卽其事今寺右上山三里有達磨
洞洞有石壁達摩面之九年形迹宛然石上寺殿後有立雪
堂世傳達摩徒惠可欲嗣其法雪深至腰不去事甚神異然
劉昫唐書方伎傳言達磨隱於嵩山少林寺遇毒而卒正史
之言信而有徵與他書固不同矣

三尊真容像支提龕銘

開元十九年九月立蔡景撰正書在林縣淇谷

碑前有銘文後述三法師道行一名義經一名軌壽皆略谷
寺住持按略非古字見玉篇胡東切大谷名水經注陰惠縣
有黃水出于神園之山黃華谷北崖上去地七里縣水東南
注壑直瀉巖下狀若雞翹故謂之雞翹洪然則略乃洪字之
俗書耳碑云天資妙妓說文以妓爲婦人小物物猶事也聞
謂技藝唐人尚能用古字今則但知爲妓樂之義矣支提所
一切經音義云又名脂帝浮圖此云衆相謂摩石等高以爲
相或言方墳或言廟皆隨義釋也

尊勝經幢

開元十九年十一月立正書在蒙縣淨土寺

幢末題開元十九年歲次辛未十一月景午朔十五日庚申
前左驛府長史王元明奉爲口代父母怕亡妻兒存兄弟合

家大小六親眷屬一切衆生建立此幢咸同此福又題唐大
中八年歲次甲戌正月丙戌朔廿六日辛亥再立此幢幢主
當寺上座僧太初云云又題大漢乾祐年初歲次浚離月建
辛酉五日辛巳重立幢主穆暹云云是幢屢作屢立知爲開
元時原刻者以開元款識字樣與經文無二大中乾祐二題
又異體也淨土寺卽魏石窟寺洛陽伽藍記云京南關口有
石窟寺卽此寺內有景明造象鑿厓谷爲之奇偉無比
中州金石攷右石幢筆法古勁未詳何人所書邛學究以字
跡不真用礦灰填塞今邛童模寫許州通判程志智命工剔
拭仍還舊觀

慈州刺史光祿卿鄭曾碑

開元二十四年五月立

昇卿撰

西漢書撰人名據寶刻類編知之金石略云未詳即此是也
碑云曾字參榮陽開封人也烈祖撫隨尚書右丞聘陳使承
安侯大父嗣元唐通事下考九思洪州豐城口按宰相世系
表曾慈州刺史正與此同父九思流水令曾祖撫後周行臺
左丞尚是官位之異耳祖弼誠解令則與碑大異作世系表
時當有鄭氏族譜爲据何至錯誤如此不有此碑則曾之大
父非實矣据世系表則撫爲曾之曾祖而碑云烈祖似是遠
稱疑中脫嗣元一代也云及觀號嘔出道經云終日號而嗷
不嘔然嘔字說文所無惟陸德明釋文本老子作嘔一邁反
氣逆也又於介反下又云當作噫是亦知爲無此字唐傳奕
校定老子古本篇作歎注於油切氣逆也說文又無歎字玉
篇嘔於求切引老子曰終日號而不嘔噫氣逆也据此乃知

少室山石經卷二
三三
嘜卽嘜字之誤是碑書於開元時僅据陸氏通行之本未見
傅本耳傅本今存道藏中與玉篇音適合知其說之有本矣
梁昇卿見新唐書韋抗傳云淺學工書于八分尤工歷廣州
都督書東封朝覲碑爲時絕筆又御史臺精舍記亦其所書
也全唐詩有奉和聖製荅張說扈從南出雀嵐谷詩一首

臨高寺碑

開元二十五年四月立常允之撰弟演之行書在闕鄉東南
二十里本寺

碑云臨高寺者西魏口書口劉謙之宅捨充寺焉處高臨下
茲以建号其文甚工麗字亦姿致可觀惟寫葺爲習海爲集
騰爲騰戍爲尺間爲闕奕爲奠煥爲煥最爲紕繆餘文亦多
別體云輻遠逕碎咀漢書楊雄賦云輻輳不絕孟康曰輻輳

連屬貌如淳曰音雷盧實漢人俗字也勢字作勢按此字本
執之譌从力从乃亦不必執其一是矣古無喻字以譬喻爲
譬喻猶用古字末有一行云殿內西鋪大像主上柱國劉知
音

景賢大師身塔石記

開元二十五年八月立羊俞撰僧溫古行書在登封會善寺
王維有留別溫古上人兄詩云宗兄此削髮蓋其族也金石
錄有溫古行書唐傳菩薩戒頌

立尉遲迴廟碑

開元二十六年正月立閻伯璵撰序顏真卿撰銘蔡有鄰撰
書在安陽

迴周書有傳碑記迴官較詳有云大統初仕魏散騎侍郎歷

大丞相帳內都督尙魏金明公主封西口縣侯轉車騎將軍
領侍中尙書僕射十六年拜大將軍兼益梁等十八州諸
事益州刺史改寧蜀郡公周之興也督隴右十二州進公開
國公食邑萬戶總秦口文康十四州軍事累遷大帥馬冊大
師加上柱國俄拜大右弼口口大前疑授相州總管本傳云
稍遷大丞相帳內都督累遷尙書左僕射兼領軍將軍後拜
大將軍又云乃令迴督開府又云詔迴爲大都督益潼等十
八州諸軍事益州刺史孝閔踐祚進位柱國大將軍封寧蜀
公進蜀公爵邑萬戶宣帝卽位以迴爲大前疑出爲相州總
管與史稍異可以參考碑又云唐武德中朝制改葬口終追
舊本傳云武德中迴從孫庫部員外郎耆福上表請改葬朝
議以迴忠于周室有詔許之卽其事也下述開元丁丑歲相

州刺史張公嘉祐立廟之事有口稱多崇云云字多刺劄廣川書跋載其碑又引唐世說自迴之死而相州都督死者前後相繼張嘉祐既治事夜整冠危坐有自西廡出者曰余後周尉遲迴也死於此遺骸尙存願得此葬前收守者贈薄氣老驚悸而逝非所害也又指其女子曰同瘞于此明日嘉祐發掘得之備衣衾棺器禮而葬焉既夕出謝曰余無他能須畢公之政節宣水旱唯所命嘉祐以事聞上請置廟歲時血食有詔褒異事見尙書故實今按之本傳及碑迴之改葬在武德時以從孫者福表請則非嘉祐改葬明也後人特因此碑多崇之說從而附會成之亦可見唐人小說類皆造作事端非其實矣蔡有鄰者卽杜甫李潮八分小篆歌所稱尙書韓擇木騎曹蔡有鄰也廣川書跋又稱此碑當與鴻都石經

相繼信不虛美金石略有蔡有鄰八分書尉遲迴廟碑并碑陰未詳又有顏真卿周太師蜀國尉遲公廟碑云在相州誤以撰銘爲書碑也

碑陰

碑陰爲迴族孫士良述張嘉祐德政之美意感其立廟爲著于碑耳亦蔡有鄰書

開元寺貞和尚塔銘

開元二十六年七月立沈興宗撰隸書在汝州

碑云禪師諱貞茲郡京兆人也京兆郡名上云茲郡者其義不可詳或唐以洛爲東都亦可稱京兆歟又云俗姓張氏自翰魚規唐貂蟬蔚漢姜宋莫齒袁揚前倫規唐猶云規晉姜宋蒞謂姜望宋微子袁揚蒞謂袁安揚震也又有前刺史故

丞相齊公崔日用吏部尚書李暉皆頂奉山字云云按崔日用李暉劉响唐書有傳貞禪師者駐錫風穴山嘗習衡陽三昧其化大行一夕溘然示寂守宰李暉闍維之得舍利千粒明皇謚爲七祖碑隸書甚劣惟用肯爲前卽差字之省用已爲以尙有古意年號貳拾陸字用代二十六與五經文字九經字樣同餘碑少見

錢塘縣丞殷府君夫人碑

開元二十六年立顏真卿撰并書在洛陽

金石略載真卿書獨遺此碑寶刻類編有顏真卿書殷履直夫人顏氏碑卽此碑四面書字多磨滅其稱殷君云皇朝秦王記室缺二府君之曾真卿稱口十三姪男蓋其姑也金石補遺云在河南府學道居寺天王殿前新自地中掘出者按

此碑已見寶刻類編則非新出

魏國公造象記

開元□□□年四月立徐浩行書在洛陽

文云魏國公立身幹蠱英謀駿口橫行邊徼追馬援之功口
口口庭盡曾參之養金石補遺以爲徐浩行書今缺其名玩
其筆蹟良是也在內侍省功德碑西五步許

隴西縣君牛氏像龕碑

張九口撰隸書行書額在洛陽

金石錄有龍門西龕石象記張九齡撰八分書開元中立當

卽此碑碑云口寇牛父厥後有晉將軍口_牛金下缺按宰相

世系表云牛氏出自子姓宋微子之後司寇牛父子孫以王

父字爲氏漢有牛邯爲護羌校尉因居隴西後徙安定再徙

鶉觚安定牛氏出自漢隴主簿崇之後而獨不及晉牛金此
可補史之缺云攻香龜以洞啟龜從龍省龜汗簡以龜爲龍
本此也

中州金石記卷二終